

Uunga siunnersuut: Ilinniagaqarnersiutit pillugit Inatsisartut inatsisaata allanngortinneqarneranik Inatsisartut inatsisaat nr. xx af xx xx 2016-imeersoq
(Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoq)

Saqqummiussissut

Siullermeerneqarnera

Ilinniagaqarnersiutit pillugit Inatsisartut inatsisaata allanngortinneqarnissaanik Inatsisartut inatsisissaattut siunnersuut matumuuna Naalakkersuisut sinnerlugit saqqummiuppara.

Siunnersuummut tunngaviuvoq iluarsartuussineq annertoq, tassani ilinniagaqarnersiutit pillugit malittarisassani kajumissuseqarnerulersitsisumik aqqissuussap atuutsinneqalernissaa kissaataalluni.

Siunnersuut aqqutigalugu ilinniarnermi taarsigassarsianik ernialersuisarnissamut piffissaluisaq allanngortinneqarpoq, tassa tunniussinermi ernialersuisoqartalerluni.

Siunnersuutigineqartoq malillugu ilinniarnermi taarsigassarsiat akilersorneqarnissaannut ikiorsiisarneq pillugu malittarisassat allanngortinneqarput. Tassani pineqarput akilersuinissamut ikiorserneqarsinnaanermut kiisalu tapiissutit annertussusissaat pillugit.

Siunnersuut malillugu ilinniarnermi akiitsorilikkanik akilersuinissamut tapiissutit qanoq angitiginissaannut apeqqutaapput ilinniakkamik naammassinnittoqarsimanersoq aamma tamanna ilinniarfissatut piffissaliuussap iluani pisimanersoq pisimannginnesorluunniit imaluunniit ilinniagassat ataasiakkaat naammassineqarnissaannut atatillugu qanoq ukioqarnissamut piumasaaqatit naammassineqarsimanersut.

Siunnersuummittaag erseqqissarneqarpoq ilinniarnermi taarsigassarsianik akilersuinissamut tapiissutit taamaallaat tunniunneqarsinnaasut ilinniartumut Kalaallit Nunaannut attuumassuteqartumut.

Oqaaseqaatimininnguit makku atorlugit siunnersuut Inatsisartunut akuersaartumik suliarineqartussanngorlugu tunniuppara.